



Selebrasaun Loron Mundiál ba Ema ho Defisiénsia, 3 Dezembru 2016

Mensajen Nasional

Mensajen hosi Primeiru-Ministru

Ohin, loron tolu fulan Dezembru mundu tomak selebra Loron Mundiál ba Ema ho Defisiénsia, hodi fo atensaun espesiál ba ema hirak ne'ebé moris kedas ho defisiénsia ka hetan defisiénsia durante sira nia moris.

Estadu Timor-Leste fo importansia no atensaun ba Ema ho Defisiénsia hodi bele aseguira katak sira mos partisipa iha dezvoltimentu nasional, ne'ebé hakarak atu sai inkluzivu, ka lakohi atu husik ema balun ba kotuk, inklui Ema ho Defisiénsia.

Governu halo ona esforsu oi-oin hodi responde ba situasaun sira ne'ebé Ema ho Defisiénsia hasoru hela, iha aspetu lubun bo'ot ida, liuliu iha área edukasaun ne'ebé iha ona esforsu atu kria sistema edukasaun inkluzivu, iha área saude ne'ebé mos iha ona esforsu atu kria mekanizmu apoiu ba assistensia saúde Ema ho Defisiénsia.

Iha área sosiál Governu mos hala'o hela programa sira ba protesaun sosiál, hamosu oportunidade hanesan ba formasaun no empregu no mos dinamiza hela dezvoltimentu iha área disportu deficiente nian.

Selebrasaun Loron Mundiál ba Ema ho Defisiénsia tinan ida ne'e, hafanun ita hotu atu tau importância no prioridade ba programa dezvoltimentu sosiál, ne'ebé sei tulun Ema ho Defisiénsia bele atinji nivel moris ida ne'ebé adekua, no hetan protesaun iha ita nia sosiedade nia laran.

Liu husi Selebrasaun Loron Mundiál ba Ema ho Defisiénsia tinan ida ne'e, ita hotu tenki esforsu atu:

- Redúz desigualdade iha dezvoltimentu.
- Aumenta liu-tan Ema ho Defisiénsia sira nia partisipasaun iha ekonomia Nasaun nian.
- Promove edukasaun inkluzivu
- Asegura asesibilidade, no hametin parseria iha área defisiénsia.

Parabéns ba Ema Timor Oan hotu ne'ebé defisiénte, no bele sura nafatin ho Governu nia apoiu ba ita-bo'ot sira hotu.

Ida ba hotu-hotu!

Hotu-hotu ba Ida!